

NIA VOĈO

Madrida Esperanto-Liceo

San Alejandro 6-4°B-Ext. 28005 Madrid
(Nur poŝta adreso)
Ni kunvenas lunde je la 18,30 en Rodríguez San Pedro 13-3°-7

Redaktas kaj eraras: Lupe Sanz

JUNIO 2006

Oni povas vidi "Nia Voĉo"-n en la Gazetoteko Lanti. <http://www.gazetotekolanti.com/nv>

65 A HISPANA KONGRESO DE ESPERANTO

El Puig (10 km de Valencio). 21a - 25a de julio 2006. Pli da informoj http://www.esperanto-es.net/congreso_2006
kie vi trovos informojn pri kotizoj kaj aliĝilon. Jen la aliĝ-prezoj en eŭroj (ĝis 7a Junio validas la antaŭaj: profitu!)

Kategorio	Ekde la 8 a de junio
HEF-ano	33
Ne HEF-ano	38
Juna HEF-ano	24
Juna ne HEF-ano	28

Pagmaniero / forma de pago:

Bancaja. C/ Málaga 37 · 46009 Valencia. C/C 2077-0069-24-3100702329

Kunsendu la pagpruvilon kaj la aliĝilon al la adreso: Augusto Casquero de la Cruz. Avenida Burjasot 29, A-31. 46009 Valencia. (augusto2931@hotmail.com)

“El hombre que desafió a Babel”

La revuo de la sindikato CNT recenzis la libron en sia numero de majo kaj Alejandro Pareja prezentis ĝin la 10 an de majo, en Librería Muga de Madrido.

Hispana versio de la biografio de Zamenhof verkita de Masson/Centassi, tradukita far membroj de Madrida Esperanto-Liceo. PVP 20 eŭroj.

Ĝis la Hispana Kongreso, fine de julio 2006: po 23 eŭroj vi ricevos “El hombre que desafió a Babel” kaj “Nuevo Método de Esperanto” de Fernando de Diego; la prezo inkludas sendokoston al Hispanio.

Antaŭpago necese al la konto je la nomo de Madrida Esperanto Liceo ĉe
Banco Sabadell/Atlántico numero 0081/7110/98/0001266730

INTERNACIE

Benedikto XVI unuafoje bondeziris en esperanto, laŭ la Paska formulo iniciata de sia antaŭulo, “Feliĉan Paskon en Kristo resurektinta”. Li benis en sesdek lingvoj, la lasta la latina kaj esperanto la antaŭlasta.

La hejmpaĝaro de **Montpellier**, granda urbo de Sud-Francio, estas tradukita esperanten:
<http://eo.montpellier.fr/18-accueil.htm>

Montpeliero estas aparte konata en Esperantujo depost la jaro 1998, kiam ĝi akceptis la 83an Universalan Kongreson de Esperanto.

La membraro de **UEA** por la tria jaro kreskis en 2005 ĝis 18.360 de 113 landoj: individuaj membroj 6.107, 10.179 aligitaj membroj kaj 2.074 junaj aligitaj membroj.

EN HISPANIO

Okaze de la inaŭguro de la e-kurso en la Universitato de Oviedo, Astura Esperanto-Asocio transdonis ekzempleron de Don Kiĉoto en esperanto. <http://uica.info:9673/esperanto>

La 20 an de majo Félix Lobo organizis promeneton de pli ol du horoj por rigardi kaj aŭskulti birdojn en la Casa de Campo, la plej granda parko de Madrido.

Alejandro Pareja, kiel profesia tradukisto, tradukis dokumenton en esperanto de la Fondaĵo “Antoni Grabowski” laŭ peto al HEF de advokata oficejo.

EKSTERORDINARA KUNVENO DE HISPANA ESPERANTO-FEDERACIO

Dum la eksterordinara kunveno de HEF en la sidejo de la Esperanto-Grupo de Valencio oni aprobis la kontojn kaj kas-staton de 2005.

La estrar-kunveno de HEF okazinta en majo aprobis aĉeti skanilon por kompletigi la informatikan kolekton de “Boletín”: Pedro Garrote faros la skanadon. En la sama kunveno Manolo Parra akceptis helpi al la redaktoro de Boletín en ĝia maketado.

HISTORIO DE ESPERANTO (Toño del Barrio)

Jam de antaŭ iom da tempo mi cerbumas pri projekto por organizi pli sisteman studon de la historio de nia movado en Hispanio. Kiel vi vidas, oni ofte demandas nin pri praŭloj kiuj scipovis la lingvon, kaj tio ĝenerale vekas tre grandan intereson en eksteruloj. Aliflanke tio havas la riskon ke oni tro rilatigu nin al la pasinteco, sed mi pensas ke ni povas organizi tion bone por minimumigi tiun riskon. Ni perdis la memoron pri multaj valoraj homoj, kaj ankaŭ rompiĝis la tradicio de multaj grupoj, kaj ni havas bonan ŝancon remalkovri ilin. Kiel vi scias, oni nun aprobis ke tiu ĉi jaro estu la "Jaro de la historia memoro", kaj ni povus profiti parton de la penoj farotaj oficiale por niaj celoj. Mi eĉ pensis aliĝi al la peto de subvencioj por tio, sed mi ne scias ĉu mi trovus sufiĉan apogon por la administraj demarŝoj. Nur por diri du ekzemplojn pri la ekstera intereso pri nia historio, aparte de la petoj ĉiusemajne ricevataj en HEF kaj en aliaj instancoj:

- Mi nun verkas artikolon pri homo pri kiu mi jam parolis en alia okazo, la pedagogo Sidonio Pintado, kiu estis prezidanto de Hispana Esperanto-Asocio, kaj estis mortpafita post la milito. Tio havis sian originon en kontakto de unu lia nepino, kiu havas materialon pri lia esperantisteco.

- Mi petis informojn pri konsilisto de la unua vaska registaro, Santiago Aznar. Mi menciis lin en mia prelego en Bilbao pri alia konsilisto, Juan Gracia: <http://personal.telefonica.terra.es/web/tdb/gracia.htm>, sed ne havis multajn informojn aparte pri li. Mi demandis pri li al lia bonepo, kaj tiu ĉi respondis al li konfirmante ke li estis esperantisto, kaj ke li rakontis al li pri Esperanto dum sia ekzilo en Karakaso. Ah, mi forgesis diri ke lia bonepo estis... Iñaki Anasagasti (jes, la politikisto), kaj ke li promesis informi nin plu pri tio.

Nun estas la ĝusta momento. Mi pensas ke nun, antaŭ ol estos tro malfrue, ni devas kolekti informojn de niaj veteranoj. Ni devas kontakti familianojn. Ni devas restudi malnovajn librojn, kolekti adresarojn, traserĉi bibliotekojn. Ni devas koni la aktivadon ne nur de la gravuloj en la movado, sed de la ĝeneralaj esperantistoj. Kial ili lernis Esperanto, kion ili faris per ĝi.

Kaj post tio informi la esperantistaron ke Esperanton ne lernas kvar frenezuloj, sed homoj tre valoraj, kiuj defendis idealon (eĉ se ne ĉiam la saman), pri kiuj ni povas fieri. Kaj ankoraŭ poste informi la publikon ke Esperanto plu vivas kaj ke ni reprenis ilian torĉon.

Kion vi opinias? Ĉu meritas la penon? Ĉu vi pretus partopreni? Amike, Toño del Barrio
<http://personal.telefonica.terra.es/web/tdb/es.htm>

HISPANA ESPERANTO-FEDERACIO

La Sekretariino, Carmen Suárez, deĵoras lunde vespere (17,30-20,30h), dum aliaj tagoj vi povas faksi aŭ telefoni al 91 446 80 79 (aŭtomata respondilo) aŭ kontakti rete: admin@esperanto.es

VENONTAJ PROGRAMOJ EN MADRIDO

Konversacia-rondoj okazas ĉiulunde, ekde la 18.30 h, en RODRÍGUEZ SAN PEDRO 13-3º-7. Tel. 91 446 80 79

19 de junio je la 19,00: komentitaj lumbildoj pri "Hispanaj printempaj popolaj festoj"

La membroj kiuj ankoraŭ ne abonis sian kotizon, povas pagi 12 eŭrojn rekte la lundon en nia konversacia rondo (Rodríguez San Pedro 13-3º-7) aŭ al Esperanto Liceo de Madrid,

Banco Sabadell/Atlántico konto 0081/7110/98/0001266730

ESPERANTO LICEO DE MADRID

Asociación de Utilidad Pública Municipal
San Alejandro 6- 4ºB EXT
28005 Madrid